

Tshuaj Kho Mob rau Kab Mob Ntsws (Latent Tuberculosis [TB]) Isoniazid thiab Rifapentine (INH-RPT)

Koj cov kev kuaj qhia tau tias koj mob latent TB los sis LTBI. Nws txhais tau tias muaj cov me nyuam kab mob TB me me hauv koj lub cev thiab kuj ua tau rau koj muaj mob.

Cov me nyuam kab mob TB me me no tsis ua mob rau koj thiab tsis kis tau rau lwm tus. Nws zoo li cov me nyuam kab mob TB me me tsuag zog lawm. Yog tias cov me nyuam kab mob TB me me sawv, lawv ua tau rau koj muaj mob nkeeg. Yam no hu tias kab mob active TB (kab mob TB ciaj). Koj yuav kis TB tau rau lwm tus neeg yog tias koj mob active TB.

Kuv yuav ua li cas thiaj li tiv thaiv tau tus kab mob active TB?

Koj siv tau cov tshuaj pab kom txhob tau tus kab mob active TB. Isoniazid thiab Rifapentine (INH-RPT) yog cov tshuaj siv ua ke kho LTBI. Lawv tua cov me nyuam kab mob TB me me uas tsuag zog lawm ua ntej lawv ua rau koj muaj mob nkeeg. Nws kuj yuav siv ntau lub hli rau cov tshuaj kom tua tau cov me nyuam kab mob TB me me vim tias lawv muaj zog heev.

Koj yuav ntsib koj tus kws kho mob los sis nurse ib hnuv rau ib lim piam kom txog 12 lub lim piam mus nqa thiab noj cov INH-RPT. Noj koj cov tshuaj tsis nrog zaub mov mas zoo tshaj. Yog tsis tshua haum koj plab, koj noj me ntsis zaub mov nrog los tau.

Vim li cas kuv yuav tsum noj tshuaj yog tias kuv twb tsis hnov mob?

Cov me nyuam kab mob TB uastseem tsaug zog yuav tua tau yooj yimdua ua ntej lawv tsim thiab ua koj muaj mob.

Yog tias kuv tsis noj tshuaj ne?

Yog koj tsis noj INH-RPT, ncuva ntau hnuv, los sis tsum tsis noj tshuaj ua ntej koj tus kws kho mob los sis nurse hais kom tsum, koj kuj yuav mob tau tus kab mob active TB. Nws tseem ceeb yuav tsum tua cov me nyuam kab mob TB me me kom koj thiab koj tsev neeg thiaj tsuas muaj noj qab nyob zoo.

Yog tias kuv twb tau txhaj koob BCG lawm ne?

BCG tiv thaiv me nyuam yaus kom txhob raug tej hom TB uas mob hanyav tiamsis tsuas kav ob pib xyoo xwb. Nws tiv thaiv tsis tau LTBI los sis kab mob active TB. Yog koj twb tau txhaj koob BCG, los koj yuav tsum noj tshuaj rau LTBI kom tiv thaiv koj tus kheej thiab lwm tus.

Yog tias kuv muas tsis tau INH-RPT ne?

Nug koj tus kws kho mob los sis nurse hais txog tau tshuaj TB pub dawb los ntauw Minnesota Department of Health Tuberculosis Program.

Yog tias kuv tsiv mus deb ne?

Qhia koj tus kws kho mob los sis nurse ua ntej koj tsiv mus nyob lwm lub xeev los sis nroog. Lawv yuav pabkom koj tau koj cov tshuaj rau TB mus ntxiv tom qab koj tsiv.

Kuv yuav tsum paub dabtsi txog cov tshuaj rau LTBI?

- Tsis txhob haus beer, wine, los sis cawv, kom txog rau thaum koj tiav koj kev kho mob rau LTBI. Haus dej cawv thaum tseem noj tshuaj rau LTBI ua mob tau rau koj daim siab.
- Qhia rau koj tus kws kho mob txog lwm yam tshuaj koj noj.
- Txhob cia cev xeeb tau tub thaum tseem noj cov INH-RPT. Hu rau koj tus kws kho mob los sis nurse tam sid yog koj cev xeeb tub lawm.

Tib neeg feem coob noj cov INH-RPT tsis muaj teeb meem. Ib txhia neeg kuj muaj teeb meem, xws li:

- Ua kub ua no ntau tshaj li peb hnuv
- Tsis qab los noj mov los sis nkees nkees
- Tsis haum plab los sis ntuav ntuav
- Mob lub plab
- Tso cov zis dub nyos (xim li tshuaj yej los sis coffee)
- Tawv nqaij daj los sis daj rau lub qhov muag
- Nqaij tawv xoo pob los sis khaus khaus
- Loog los sis caws yaum tes los sis taw

Yog koj muaj ib yam teeb meem no:

1. Tsum txhob noj koj li tshuaj.
2. Hu koj tus kws kho mob los sis nurse tam sid. Tsis txhob tos koj lub sijhawm uas tau teem cia.



Noj koj li tshuaj raws li koj tus kws kho mob los sis nurse qhia koj. Yog koj ncuva ntau hnuv, cov tshuaj tejzaum yuav tsis ua haujlwm rau koj.

Mus txhua lub sijhawm teem rau koj mus kuaj kho mob. Koj tus kws kho mob los sis nurse yuav pab xyuas kom koj kev kho mob mus tau zoo.

Kuv lub sijhawm ntsib txog tshuaj rau TB zaum tom ntej:

Hnuv tim:

Sijhawm:

Kws kho mob los sis nurse:

Qhov Chaw twg:

Xovtooj:



Minnesota Department of Health
Tuberculosis (TB) Prevention and Control Program
P.O. Box 64975, St. Paul, MN 55164-0975
651-201-5414
www.health.state.mn.us/tb